

多藝錄


五六

和書門		三 七 〇 四	函架類
五 四	八	冊架類	

內閣文庫		三 七 〇 四	函架類
五 五 函	五 冊	冊架類	

史五

內閣文庫	
番號	和 31704
冊數	5 (3)
函號	155 361




多藝錄

五六

人

多執錄卷之五



顯統參議持方第三子親房從子也正平初任左中辨無左近衛

少將後龜山帝朝為春宮大夫至內大臣元中三年正月二十四

日薨註職原抄傳于世子曰雅持

顯時親房從子也從親房于小田城為高師冬所圍顯時率兵出

擊殺傷居多小田城陷顯時奉宇津峯親王走下妻保大寶城正

平十四年八月十六日從征西親王懷良討少貳賴尚戰没于筑

前大原官至中納言稱冷泉中納言又稱春日中納言

顯邦親房族也官至侍從稱春日其姪右兵衛佐其大寶之役為

敵所禽明年三月八日遇害

木造顯俊顯能第二子也弘和三年顯能薨長子顯康襲封使顯

俊居壹志郡木造故以木造氏為幕號用左巴仕後小松帝叙任

權大納言正三位第在平安油小路故又稱油小路兵賦騎士百
人甲士五百人小人四百人凡一千人元中七年鹿苑公參皇太
神宮道過多執為顯俊弟二子俊泰加冠因携還平安顯俊長子
俊通為右近衛少將蚤率俊泰為嗣應永十年八月二十四日任
參議二十九日兼左近衛中將十一年三月十七日兼美作權守
或曰十一年三月十七日兼土佐守叙任正四位下左近衛中將
追宣繫之前年八月十四日十三年正月六日叙從三位三月十
七日任權中納言更名俊康十四年正月五日叙正三位十八年
正月五日叙從二位二十一年春多執主滿泰憤勝定公狩約不
立南廷皇子為天子欲起兵俊康不從去入平安顯泰使顯俊弟
三子右近衛中將雅俊將兵八千餘攻之城兵不敢拒出降乃使
雅俊居焉既而室町公發兵五万來擊俊康亦與焉先圍木造城

池長兵衛一作長吉田中新平黑川西田大門氏等數十人殆獲氏卿
適外池孫左衛門尉馳來救之奮鬪烟覺兵衛烟作兵衛天華寺
勘太郎等戰死時我兵死傷疲瘁遂敗走氏卿尾來城外城兵金
子十郎右衛門柘植尤京等聞之率兵出野辺氏卿既引去此夜
以我精銳三十七人甲士三十六人凡三百餘人時人謂之戶木
夜戰自此之後固自保持不復出戰北畠具親長正仲父也來説
之授城而去長正不答益固持不動至十月之末孤立于勅敵之
間略無所懼既而伊賀伊勢悉平家老大塚彌三郎在莊村中銃
丸而死長正頗危之適一身田門跡典信包氏卿謀使之授城而
去長正幸之即授城而退尾張氏卿發馭馬役夫送之其他小城
皆授城若出降莫有抗者十八年大坂公命為改草主織田秀信
後見授二万五千石石田三成之乱秀信欲從之長正諫不聽秀

信遂喪色長正為福島正則臣長尾一勝所禽正則請寘之于已
色遂請以為己臣授祿二万石更稱大膳亮死于廣島

木造具次還俗稱市兵衛仕信推慶長十年六月二十六日死年
七十三法謚曰宗有子俊宣稱七左衛門慶長十七年六月二十
六日見台德公為御書院番大坂兩役並扈從五月七日力闘獲
首寬永十年為大御番組頭

畑作兵衛及分勘太郎並長正臣也作兵衛年十九能換強弓勘
太郎年十八善用薙刀並軀幹壯大頗有膂力自十四臨軍其
所獲之首作兵衛二十勘太郎十九曰首數各多于其年兄弟所
向莫不破摧管瀨之役作兵衛與蒲生氏鄉臣岡源八交搏共倒
歷源八將斬首源八弟重政走來擊作兵衛一刀源八即自下撥
起斬作兵衛首長正之去尸木也氏鄉召木造臣有勇者勘太

郎及河合加兵衛等四人祿之明年氏鄉從討越中勘太郎留在
邑居閑無事安濃津封內中村有平生所疾怨者竊欲報之與二
三朋友謀焉皆慨然許諾曰今夜方可矣乃與其黨二十四人入
中村斬其仇首比鄰諸邑聞之各執火炬提槍刀走出凡百許人
共圍勘太郎黨大奮擊之勘太郎不以為意督衆拒闘縱橫衝突
斃七八人身殺三人傷數人遂乘勢擊却之黨與無一人死者退
至半途覺遺其刀乃返至中村建牌曰得我所遺者必繫之于此
如不然者則百攻病之殲其人墟其邑而後已矣此刀本神戶臣
某所有勘太郎買之愛重甚至中村之人亦素知之曰如不返之
者則且暴掠無已時矣縱是價万金奈何以一刀易千百人之命
况我輩與彼相敵何異于聚鼠當猫拳卵投石乎乃以刀繫牌如
其所言遂以狀訴長野長野家老以告松島留守小倉豊前守上

坂兵庫助二人諾之乃謀殺勘太郎謂彼其黨與戮力相禦必多
傷人矣乃故為不知者命勘太郎等十餘人曰河合加兵衛等數
人是夜襲元謀為國法故效之誅謂彼勝勘太郎則是幸勘太郎
勝彼則是斃其羽翼孤單易圖也如或逃之則逐而殺之亦無難
矣勘太郎亦度其如之故為不知者而赴焉殺河合加兵衛等兩
人禽其奴隸以復命乃向衆笑曰禍已逼矣白日提槍徐々而去
莫之敢禦後至伊豫仕今治王福島正則時人毀之曰勘太郎殺
始為已效死力者略無憐色勇則勇矣然有虎狼之心又有土九
衛門覺太夫一作兵衛十次郎者莫知其族屬
渡邊筑後守壹志郡須賀賴城主木造目付又有小次郎大从三
助九門者莫知其族屬
井上丹波守姓源氏大和字多郡人後移小倭木造從騎

田中氏俊稱仁九衛門尉姓源氏新田氏之後戶木之役戰死法
謚曰順道居士又有藤藏氏政者與氏俊同戰死法謚曰誓道居
士又有仁右衛門者莫知其族屬
中川土佐守姓源氏壹志郡莊田人仕長正為使番管瀨之役三
擊蒲生氏鄉却之追至松坂傷氏鄉土佐守長子曰莊一作勝藏戶
木之役莊藏年十八與氏鄉相當極力擊氏鄉馬之平首氏鄉臣
田中新平自呼名而進與氏鄉並鏖進鬪良久莊藏遂斃之既而
復與氏鄉遇于菅生高橋氏鄉自馬上以薙刀投莊藏中其胷胃
為之碎莊藏即直入擊氏鄉時氏鄉臣黑川某呼名而進立氏鄉
馬前拒鬪莊藏復斬之適堀金右衛門奴來莊藏使之持二人首
而徐退至莊村亦復與氏鄉遇莊藏進擊氏鄉鞭馬馳過莊藏以
步故不能追時失金右衛門奴莫知死生次日奴自松島還曰賤

人為虜至松島問曰獲二人者為誰答曰中川莊藏者也曰是三
典我遇力嗣者其勇可美也乃遣歸賤人曰使城中知之也亦以
奴言知銃丸中氏卿冑者三云次子曰九郎左衛門三子曰又兵
衛又有在助者莫知其族屬

海津喜三郎木造從騎善鳥銃又有喜藏者不善鳥銃莫知其族
屬

伊藤修理亮亮一作大夫安濃郡小森上野城主木造從騎又有市郎
兵衛重內者莫知其族屬

金子重大夫姓平氏多藝丹生保人劍峯城加番為木造從騎又
有圖書頭七十郎馬左一作右衛門万右衛門十兵衛者莫知其族

屬又有十助者壹志郡畑村人膂力無双多藝麾下弓組為木造
從騎莫知其族屬

天華寺勘太郎

大塚彌三郎木造家老

瀧川雄利稱下總守初名勝雅柘植三郎兵衛尉子也三郎兵衛

尉娶木造俊茂女生雄利或曰木造俊茂第三子或曰具康第三

子也初勝雅為曹洞家禪僧住現常院一作源城寺勝雅雖身居

素門勇畧他人見多藝日衰將滅與其主具政及家老柘植三郎

左衛門尉謀遂勸叛多藝從岐阜因奉使詣蟹江見瀧川一益言

意一益喜盛饗之勸使還俗乃為之加冠授以己氏與名字曰龍

川三郎兵衛尉勝雅蓋勝雅與一益讀相似也授勝雅以十人之

食三郎左衛門八人之食攻阜擊多藝命勝雅及柘植三郎左衛

門尉為鄉導岐阜主克多藝使其弟二子茶筥九繼其家以勝雅

與三郎左衛門尉並聰敏曉達武事命為家老天正三年信雄賜

名下一字更名雄親稱兵部少輔四年十一月雄親與長野元京
亮輕大膳亮受信雄命共弒不智裔五年正月與他尻勝宗天野
雄光田丸具直日置直房等擊北畠具親攻鐵中壘力劔一日一
夜雄親直房並蒙創直房並蒙創直房遂謀使之授城而去九年
信雄奉命率諸軍擊伊賀悉平之以伊賀三郡賜信雄信雄以丸
山城與雄親十年安土公公遇弒伊賀國侍復叛信雄乃發兵擊
之雄親攻音羽城多亡其兵然遂拔之漸擊南北諸城服之時人
傳稱之是冬賞其功以伊賀上野城與雄親以何國中悉平姫路
主聞之美其驍勇是歲元日雄親夢得俳歌曰阿作晴壘和奴潔
迭此翁密羸哥搥肥各卒蓋吉徵云十一年具親潛匿伊賀驟往
來伊勢密謀恢復人情動搖不一信雄乃使雄親安輯伊賀蒲生
氏卿助雄親攻土山城拔之於是具親自徵不敢復發十二年正

月諸將朝賀安土信雄疾大坂主不孫即日馳歸長島大坂主素
欲傾信雄潛厚結信雄家老岡田重善津川親春淺井田宮九次
雄親至是召四人具盡款曲告以至情其言極誠極理三人大喜
曰敬領誠意幸勿多憂吾等還邦則當盡心誘諭必使兩家相成
矣万一不聽吾等四人率族人眾以逐我主使尾張悉歸君之
手矣乃作誓書以進大坂主大喜許以二十万石厚饗之遣歸雄
親操心忠貞乃故伴諾而還道謂三人曰我當先過吾邑而共會
于長島矣既而於伊賀使使者報狀于長島三月三日信雄遂誅
三人先是大坂主使信雄諸大臣出質雄親從信雄命以質其子
大坂主以附脇坂安治至是雄親至脇坂氏給之曰妻病殊劇請
姑假賤息令得訣別安治憐聽之雄親乃携之奔歸上野大坂主
聞之大怒安治即率兵二十許騎鼓鑿加鞭以馳入伊賀大呼

曰能擊瀧川氏者賞從所望國人競起應之此夜薄上野城雄親不能拒棄城奔伊勢時信雄方攻松島城城兵未服信雄乃以松島城與之三月六日雄親率兵數千攻松島城佐々木半右衛門尉等能拒鬪雄親使使諭城中授城城中士氣已屈乃授城而走大和雄親乃入城適日置直房以兵千餘來援雄親乃身守天主使直房守城面門櫓濱松亦使服部正成領銃卒百人來援大坂主起兵使勇秀長督諸將兵四万先赴伊勢十五日薄松島城雄親與直房共設守備拒鬪不屈十六日曉四面進攻長野信包兵縱火于諸士穿烟焰漲天城兵累發弓銃極力拒鬪西軍百方攻之拒守亦從之時伊勢人木崎新四郎者從雄親在城中碌々莫有所為時人號為米蟲有建牌書歌者曰識羊鳥地戶爾異即酌而貌乃各覓子蛾者而揆立篤失懶密禿谷索吉西母施即姑十

四日西軍更進互攻城之陷在旦夕矣時受圍已四十餘日有比丘尼慶法者至秀長軍請曰瀧川日置氏並是我檀越城守日久其勞可想也請說之使授城幸赦其死秀長嘉其有心許之乃入城中說之不從慶法曉諭百端二人乃曰誠如所言則願賜船至門前之壕即當授城矣慶法喜還告之于秀長秀長乃以船與之於是直房歸川股服部正成歸參河雄親還神戶信雄因命成城慶法故多藝臣星合左衛門尉女年十六嫁岸江又三郎夫死不取再醮遂祝髮披緇為比丘尼時人憐之至是毀譽者相半云十月信雄使雄親戍濱田及四日市場城時雄親取大舩置諸城中大坂主聞而怪之後雄親仕大坂公向其故曰恐見水攻故以備之也公大稱之公喜為水攻且城便水攻故也十一月大坂主遣富田知信津田信季干濱松以求成信雄亦使雄親相助請之濱

松主不聽十三年夏大坂公既平四國移生駒一攻于讚岐賜神
戶城于信雄尋賜雄親叙任從五位下下繼守授羽柴氏更名雄
利十一月信雄受命于大坂使雄利及土方雄久使濱松濱松主
時在岡崎二十八日雄利往請曰君與羽柴氏本非有怨憎而以
信雄故兩家永相絕深以為憂君請入京師與羽柴氏相見結好
則信雄之幸也濱松主不聽十四年正月十三日信雄復使雄利
與織田長益使濱松濱松主不聽十九日主獵于參河吉良二十
一日雄利等見于獵所苦勸入京主曰我與羽柴氏有何恩讎今
亦何必立羽柴氏下風哉雄利無言而出翌日雄利復見請報主
怒曰汝未歸乎其速歸去雄利從容曰君久不見京師今之京師
大異乎他日矣何不入京師以稍控遊觀且以見園白父子不亦
可哉主曰我今見秀康固與為也如見園白則非我志也且我織

田氏之世數入京師可觀之地既觀之矣今不欲復往也我臂鷹
牽狗終日于山野之間無復換此樂者矣園白豈侍朝廷禮侍之
厚世人服從之多遂欲使我亦立乎其下風而疆催我入京師乎
汝還以實告我自有意耳雄利曰是雄利之意非園白之言也主
曰汝敢以無用之事數擾我如復來者我亦致戮乎汝躬矣雄利
報然而退即辭去雄利使事不成畏眾快復命大坂公不敢責
曰固當爾汝其歸休我將熟慮之矣夜半遽召信雄及雄利二人
深怪之相與朝公使左右執手燭親執短刀提紅帶而出曰我得
計矣當使德川氏必來也信雄愕眙莫能言公曰我以吾妹妻德
川氏則德川氏烏得不來而尚猶不聽將質我母則德川氏豈能
終相拒哉乃復使雄利與織田長益天野雄光富田知信使濱松
二月雄利等先至參河吉田見酒井忠次而謀焉曰我直至濱松

主必不見我子幸謀之實天下太平之基也忠次乃與雄利等同
至濱松入曰與關白使者羽柴下總守俱來主曰我不可見之
也忠次曰使者之言嘉禮也請一見之二十二日雄利等入見具
言大坂公之意濱松主計之雄利等反命大坂公大喜四月成婚
九月二十六日大坂公使淺野長政富田知信津田信季往濱松
申前約信雄亦使雄利及織田長益土方雄久與俱相助請之濱
松主許之大政所出贖十月濱松主入京師與大坂公相見於是
兩家遂相親矣大坂公以雄利數奉使命能成公志賜一文字
太刀及黃金百枚及信雄喪封仕大坂就神戶定食二万石為御
相伴眾常侍左右大坂公檢量天下土田雄利與新莊當具一柳
直未奉命為伊勢檢地奉行慶長五年黨石田三成山岡景友未
攻雄利致城而去後被召為御咄眾給事左右十五年秋賜邑一

万石于常陸或曰下野田中三万石子勘右衛門尉正利嗣
柘植三郎左衛門尉三郎兵衛尉弟也姓平氏弥平兵衛尉宗清
之後也家世伊賀柘植城主三郎左衛門尉頗聰慧習事仕木造
為家老觀察時勢謂天下竟當歸織田氏而多藝衰弱政令陵遲
卒非織田氏之敵也且不從公方何地有國存家哉此可計日而
待也以此諫君是忠於先君而已亦并受其福也遂以諫為具政
從之多藝主怒取三郎左衛門尉所質女子年九歲磔之于木造
城外雲出川上具改逆叛岐阜兵來擊多藝三郎左衛門尉與瀧
川勝雅工藤市正共為御導既而岐阜主行成命三郎左衛門尉
與織田掃部助共主其事茶筌丸為北畠氏嗣三郎左衛門尉與
瀧川勝雅並為家老信雄殺北畠氏族時典小川久兵衛尉共殺
大河内具良故多藝主弟具親起兵信雄割小倭賜三郎左衛門

尉及隴川雄親長野九京亮等為前鋒以擊之小倭一族百許人
以七人眾為將割據所在三人以謀稍、招降之天正七年九月
信雄擊伊賀三郎左衛門尉與日置直房隴川雄親津川親春自
北方場尾口入及退與日置直房共為後隊率兵三千許更督眾
而退至鬼窟越之南坂下村之上有勸行寺勸助者賊勇士也伏
于巖谷森鬱之中以發鳥銃三郎左衛門尉適被酒中九墜馬從
者走扶之上馬賊復發九斃之殘卒逃于矮竹叢中賊縱火焚殺
之死者凡四百餘人長子勘右衛門娶隴川雄利女鬪死于上然
次子彦次即在戸木城中戰死季子三郎左衛門尉為父後又有
福地次郎善之丞善左衛門四郎者莫知其族屬
森本俊氏初名俊重稱飛彈守本造俊通穿二子也居壹志郡森
本故曰森本即所兵賦甲士十五人兵士五十人凡五百人俊氏

有二子長俊重稱飛彈守次俊親稱又次郎駿勇絕倫善挽強弓
俊重子俊三稱飛驒守法名法良死時年八十三俊三二子長俊
榮稱太郎後更稱九京死時年十八次俊成稱飛彈守兄死繼父
後死時年六十法名岸良牧公俊成二子長女嫁坂内所次俊
信稱飛驒守俊信子具俊具教賜名上一字故名焉稱飛彈守永
祿十二年六月戰死于阿坂年四十一具俊子俊貞稱彦市一作
即天正四年具教滅明年屏居于其茶邑飯高郡下櫛川村寬永
七年正月十二日死法諡曰鏡譽宗圓禪定門嘗創稱念寺于邑
中以修北畠氏家世菩提子孫皆為農民又有十藏者莫知其族
屬
田九具忠一作稱彈正少弼材親勞四子也館在多氣郡田九故
曰田九即所兵賦騎士百人甲士五百人小人四百人凡一千人

天文三年正月十八日叙從四位下二十年二月二日任右近衛
中將其臣山岡氏族及池山伊賀守等殺擊具忠具忠戰敗而自
盡晴具發兵擊之山岡氏族據山上城以拒守晴具遂滅之立具
忠子具安一作直為田丸主如故具忠有一女嫁小濱民部左工門
父某慶長中稻葉道通為田丸城主具忠為屬以崇人因祀為神
具安稱中務大輔叙任從四位下右近衛中將天正三年冬具安
移于巖手城四年信雄殺北畠氏族時具安聞變頗備之信雄使
使者存問無他後更名直昌娶蒲生賢秀女十二年蒲生氏卿為
松島城主大坂王以直昌及閑一政與氏卿有姻好並命屬氏卿
為典力後氏卿與五千石以為上客其意欲為同間請旧邑十八
年後氏卿擊小田原七月二日夜城兵襲氏卿營直昌一隊與氏
卿麾下相聚共力鬪頗有斬獲氏卿移封會津使居于磐瀨郡須

賀川城明年授田村郡三春城五万二千石後移守山城十九年
正月氏卿還自名古屋直昌自前年冬出在桑折以兵五百餘迎候
于中新田九戶之役直昌為第三隊與第五隊兵共攻根勇利城
即拔之多有首功家眾田丸市兵衛力鬪而死慶長三年春氏卿
子秀行移于宇都宮時大坂公召為信濃川中島城主一作万
石直昌南人以其土奇寒不欲之邑四年春東照公為謀授美濃
巖村城先是明智光秀之乱公自和泉經伊賀伊勢還參河直昌
與閑一政周旋盡力是以報之也五年石田氏之乱從西軍奪封
附堀秀治置于越後春日山直昌即下後曰隣松長子兵庫頭早
死以蒲生秀行直昌妻之姪請公室以次子兵太郎託秀行于會
津使鹿川三四郎向井金十郎向井新左衛門等十餘人從為僑
居于實相寺隣松晚生一男子謂是無用也名曰不入不入無用

之義也年三歲亦以託秀行高瀨清大夫從焉清大夫抱不入以
見秀行乃取抱之憐其孤問曰小字云何清大夫具以狀對秀行
曰名太異宜名曰菊千代長稱主膳從忠知移于伊豫忠知卒無
男唯有一女及其送葬諸臣共議故參議公之孫唯有此人當使
執位牌然欲請女子為嗣乃輟蒲生氏絕老死于長谷山陰
真野權七郎田丸從騎

吉野四郎丸衛門田丸從騎

柏原右一作京亮姓源氏度會郡神納人田丸從騎目付

早川三左衛門田丸家老

鹿川三四郎後更稱左京早川三左衛門弟

向井新十郎慶長三年直昌為信濃川中島城主是歲夏命國中
諸郡主修木曾川橋關一政使山鹿而女為奉行直昌亦命新十

郎為奉行構大架于川上以轉材木二人在架上督役夫共失足
而墜而女溺死新十郎素善浮波總而得脫新十郎之先本多執
臣食度念郡橫和上野等五村之地是以雖身移在陸奧父兄皆
在上野舊里家近皇大神宮故常崇奉之謂今免死是神祐即冬
宮拜惠云新十郎弟曰金十郎後更稱角兵衛又有新左衛門者
莫知其族屬

大河內顯雅顯泰第三子也叙任從三位左近衛中將永享十二
年叙任正三位右衛門督為教員後見城飯高郡大河內而居焉
故曰大河內御所以分木造氏之權是以常扶族人中有器量者
而居焉故常不傳子兵賦騎士百人甲士五百人小人四百人凡
一千人嘉吉中祝賀慶贈大納言教員第二子親鄉嗣叙任從四
位下左近衛中將親鄉卒村親第二子親忠嗣叙任正四位下左

近衛中将大永六年以病祝髮弟賴房嗣為式部大輔任權中烟
言繼賴房者曰具良称大膳亮永禄十一年改阜将来擊具教以
大河内地勢險要移具良于大淀而居焉更曰大淀御所先移一
之瀬称一之瀬御所繼具良者曰教通称相摸守天正四年信雄
命柘植三郎左衛門尉小川家光至大淀第教通方病二人入問
病教通引見二人高木弥一右衛門出接客客乞茶弥一右衛門
起入内三郎左衛門尉即跳搏教通家光拔刀築之教通素通妖
術善兵法奮脱逃走追而斬之有二舍人方食在室外見之即走
諸臣亦皆逃亡莫有抗者世人称大河内氏臣為莢豆謂打即飛
散也教通法謚曰大光院殿一入大居士
大河内氏又有在左衛門尉宗秀者天正四年十一月二十七日
鬪死于大河内法謚曰龍清居士又有宮内少輔者莫知其族属

川村伊豫守姓源氏大河内從騎馬頭又有四郎次竹右衛門者
莫知其族属

久保參河守姓藤原氏大河内從騎又有重兵衛尉之長者天正
四年十二月四日鬪死于多藝法謚曰光西居士又有右近將監
者莫知其族属

高松左兵衛督姓藤原氏播紳高松氏之裔大河内旗頭

山本左京助一作馬助右姓源氏一之瀬人大河内臣

菅野十郎右衛門領高郡寺居人大河内從騎

山室十郎左衛門領高郡山室人大河内從騎

高木弥一右衛門大河内臣又有覺左衛門信時者與田九兵拒

鬪而死法謚曰心樂居士

堀江義藤称左衛門佐姓清和源氏新田義顯六世孫初義顯有

二子長居越前堀江遂以氏為次居本莊義藤祖義墮自越前來
始仕親鄉為臣
坂内氏多藝支族也居飯高郡坂内故曰坂内御所又稱笠城御
所兵賦騎士百人甲士五百人小人四百人凡一千人其後世曰
刑部大輔祝髮号入道万輔子具義從五位上兵庫頭又稱右近
將監天正四年十一月二十五日信雄使池尻勝宗天野雄光擊
坂内第万輔聞變督諸臣欲拒嗣使者以謀誘諸臣諸臣即叛斬
万輔父子首以授之世人稱坂内氏臣為豆稅謂打而上之也具
義法謚曰大蓮寺殿單刀直入大居士次日具義妻小坂前亦遇
害法謚曰蓮入院殿妙西大姊坂内氏又有重右衛門尉助包者
此日共拒嗣而死法謚曰蓮蓮居士又有六内者莫知其族屬
中西圖書頭姓源氏飯高郡西山城主笠城家先又有清次兵衛

尉八兵衛外記進者莫知其族屬
羽根掃部佑姓平氏伊賀羽根城主笠城家先從騎又有彌十郎
者莫知其族屬
波瀨氏多藝支族也居壹志郡波瀨故曰波瀨御所兵賦騎士五
十人甲士二百五十人小人二百人凡五百人其後世曰縫殿助
一作藏人又具信一作為左近衛中將永祿中長野擊神戶具信
作式部少輔利神戶具力赤堀氏勢孤無援率與力矢川下野守阿曾彈正忠
等攻赤堀城赤堀氏發兵拒嗣具信不利而退天正四年十一月
二十五日信雄使人殺具信具信法謚曰東山貞道大居士具信
弟曰具通稱内膳正是歲十二月四日在多藝自殺法謚曰樂賀
院覺入大居士
長崎四郎左衛門姓平氏鈴鹿郡閑人波瀨麾下又有六左衛門

兵庫頭者莫知其族屬又有新左衛門者為改阜王所破逃亡創
正貞寺于石搏村為僧以隸本願寺

九山半藏姓平氏北條三浦氏之後伊賀栗生九山城主波瀨從
騎

馬場土佐守柚生人波瀨從騎

矢川下野守波瀨字呂口城主仁王峠守波瀨與力

巖内氏多藝支族也居壹志郡巖内故曰巖内即所兵賦騎士五

十人甲士二百五十人小人二百人凡五百人其後世曰主膳正

光安一作陸奧天正四年十一月二十五日與族人同遇害法謚

曰光山龍道大居士子玉千代光吉年二歲逃亡得脫具親養以

為子

藤方氏多藝支族也居壹志郡藤方故曰藤方御所兵賦騎士五

十人甲士二百五十人小人二百人凡五百人其後世曰入道慶

由慶由子刑部少輔具俊天正四年援加藤甚五郎在長島城甚

五郎率兵逃還具俊子左門年尚少獨後熊野兵憐送還之慶由

怒曰汝何面目敢還來汚我家聲也信雄命具俊殺不智齋具俊

使其家老輕大膳亮代從事慶由為質在城中聞族人之變及子

具俊之事召之流涕責曰汝子向在長島脫身還來汚我家名今

汝又行大逆遺惡名于後世夫北畠氏我宗家也而敢行弒逆天

何容之人誰憐之我家之亡無日矣何意衰老乃聞汝汚耳之言

也與其視息罹禍不如早歸泉下也因暇目切齒不已具俊答曰

兒豈好以不祥之事哉唯大人在此是以區々之心欲延其餘生

耳慶由曰汝如聞其謀蓋身至三瀨以告諸國司與之同死以磔

我老軀也誠能如此則是武夫之事我所望于汝者也嘻事已過

無可奈何矣鬱悒不自堪走出投井中而死其俊終流落至近江
小津為乞人遂以瘦死子孫為大津馭逆旅主人
輕一作大膳亮南家城人具俊家老也勸主行弒逆也何
受病四肢堅疆不能自運遂發狂自殺于雲出川上其他不智齋
左右叛者十三人亦皆不出三年而死去輕氏又有肥前守松右
衛門者莫知其族屬
八下氏多執疏屬也兵賦五百人
方穗氏多執疏屬也兵賦五百人天文之末有采女正久長者後
又有民部少輔者麾下
大阿坂園氏並多執疏屬也
北畠政成稱左衛門尉多執疏屬也為多執城代天正四年十二
月四日自殺法謚曰光西院白蓮大居士政成妻牧方亦自盡法

謚曰見利院妙見大姊侍女美立亦後自盡法謚曰妙智侍女
北畠賴重稱權之丞多執疏屬也天正四年十二月四日在多執
與成時重光等同殉死法謚曰道西居士
北畠成時稱重光衛門本小坂氏法謚曰心道居士
北畠重光稱源光衛門本玉井氏法謚曰元西心祖居士
星合賴房任遠江守材親第二子也永正中新城星合而居鳥村
親命賴房為大將授以家世所傳天蓋認馬旗筒伊賀甲賀勇士
為其與力數有戰功蒙創數所賜菜邑于矢野星合生津村松伊
澤大淀等地大永六年代兄親忠為大河内城主使子具種為星
合城主具種初名具房為長門守叙任參議後四位下代父為大
將授天蓋認馬旗數有戰功賜諱下一字更名具種元龜三年十
一月九日卒法謚曰天翁幕号用二引西具種娶堀江義藤女生

二子長教房次教賢教賢初名藤方任近衛少將家法自其長子
不得稱星合故冒母氏曰堀江治部少輔娶其教女其教賜諱下
一字更名教賢教有戰功慶長十四年四月十四日卒年八十二
法諡曰宗德教賢六子長具恭次藤忠次藤勝次藤光次二女藤
忠稱堀江次即兵衛慶長十七年四月七日死年六十三法諡曰
常雲藤勝稱堀江久右衛門法諡曰宗林藤光稱堀江忠兵衛寬
永六年正月八日死年六十四法諡曰玄真女一嫁安達美濃守
一嫁石丸孫次即教房稱又十郎任侍從天文二十二年為星合
城主稱星合侍從永祿五年七月十五日卒年二十五法諡曰天
清教房有一男一女女為正親町後宮稱伊豫局男稱彌十郎早
世永祿十年具種養第二子教賢子龜壽九年甫晬以為嗣治星
合城食菜矢野星合大濱等地授天蓋認馬旗然以其尚稚使多

子地教賢為陳代元龜三年祖具種卒移于大河内并有具種所
食之生津村松大河内多子地等之地更稱勝藏及其教已去匿
于大和吉野十三年往尾張仕信雄十四年仕秀雄為小姓頭文
祿四年豐國公命為秀雄家老更稱采女正賜河内滿願寺村二
万石佐良志村百石以朝覲大坂及伏見平安也秀雄授越前牛
原御安地美化黑卿後仕東照台德二公賜俸三千苞大坂兩
役並扈從元和八年隸永井右近大夫為御書院番寬永九年隸
松平右衛門大夫為寄合組十六年四月七日死年七十三法諡
曰榮典

多藝錄卷之五

大宮尾張守姓藤原氏大政大臣公季之裔也仕顯能為阿阪城主
主延元二年九月與三鬼伊賀守阿保大藏少輔將兵三千擊北
郡興國元年四月等持公使高師秋采擊顯能使尾張守及其長
子兵部少輔與稻生常陸女將長野平野野呂高柳兵凡三千餘
人臨三渡而陳招師秋軍曰何不濟也師秋臨川觀望所濟尾張
守次子彥次郎範氏先衆前進曰我當進擊破之耳單騎入川而
進尾張守呼曰勿使範氏死矣汝等其繼之驅馬而前衆乃從之
齊入川中游馬而進大呼登岸師秋兵累發兵拒之矢中範氏胷
之耳門及甲裳範氏半折其所樹之矢馳陷衆中斬五騎奮擊益
急師秋兵為之辟易退挫範氏及野呂高柳兵棄勢齊鋒進衝師
秋兵敗走逐北擊之獲師秋精銳百餘人師秋將危左右返謝以

多藝錄卷之六

大宮尾張守姓藤原氏大政大臣公季之裔也仕顯能為阿阪城
主延元二年九月與三鬼伊賀守阿保大藏少輔將兵三千擊北
郡興國元年四月等持公使高師秋采擊顯能使尾張守及其長
子兵部少輔與稻生常陸女將長野平野野呂高柳兵凡三千餘
人臨三渡而陳招師秋軍曰何不濟也師秋臨川觀望所濟尾張
守次子彥次郎範氏先衆前進曰我當進擊破之耳單騎入川而
進尾張守呼曰勿使範氏死矣汝等其繼之驅馬而前衆乃從之
齊入川中游馬而進大呼登岸師秋兵累發兵拒之矢中範氏胷
之耳門及甲裳範氏半折其所樹之矢馳陷衆中斬五騎奮擊益
急師秋兵為之辟易退挫範氏及野呂高柳兵棄勢齊鋒進衝師
秋兵敗走逐北擊之獲師秋精銳百餘人師秋將危左右返謝以

死師秋獲以間脫走北郡次日兵部少輔檢其所獲獻首功三百八十尾張守尋擊北郡師秋不敢復抗二年脇屋義助在美濃根尾城為土改賴遠高師秋所圍乞援顯能使尾張守父子將兵二千餘援之賴遠師秋聞之曰根尾未拔而援兵至是前後受敵也戰將危矣不如拒之于境上也使土岐周清房知木左近將監等率兵一千七百餘疾行邀擊之于境上尾張守父子乃陳于江場別所以待二十六日交戰多獲美濃兵美濃兵退保于深柄桑山尾張守乃以千餘兵之相對使其二子領兵千餘經間道趨根尾未達適逢義助棄城逃來美濃兵逐北尾之相助以歸多獲尾張守猶留與美濃兵相對既而美濃兵引去尾張守又以兵寡不敢追擊其殘卒大呼標勝而還三年八月長野叛從室町顯能使尾張守及阿曾宗貫將兵三千餘圍長野城高師秋以眾來援我軍

前後受敵遂敗退兵部少輔欲使眾脫留而拒鬪多殺師秋兵而死我精銳從死者二百餘人遂引兵而還七年三月使尾張守與阿曾宗貫將兵三千餘擊長野滅之正平二年春使尾張守將兵一千餘擊志摩九鬼鳥羽氏等悉來降三年九月使尾張守及子範氏與小嶽周防守結城右馬助等將兵三千餘擊紀伊降之三年正月範氏從顯能入救若野五年九月尾張守從顯能救長野至龍泉寺村約以明日接矢尾張守夜半簡平兵中精銳百餘人加以旁近野處之士二百人間行出師秋軍後縱火于其輜重大呼進攻師秋兵驚覺神氣慌惚莫識我兵眾寡爭先逃亡顯能兵七千餘人見火起大呼奮勵力鬪遂勝之七年四月仁木義長攻長野時顯能從帝在近江尾張守父子留守以兵千餘救之日夜交戰及帝師敗績城兵降義長義長兵勢大奮尾張守乃引兵而

還五月十一日義長乘勢來攻多藝尾張守出城力鬪破之殺傷
凶算義長乃退十年五月觀音主六角崇永入伊賀時尾張守祝
髮號道朔顯能使道朔及子範氏與阿交發一矢短兵乃接範氏
執大刀長五尺三寸馳入衆中縱橫奮擊或斬其胄項以至胸
或橫斫其腰際近江兵披靡逃凶範氏乘勢逐北擊之獲近江精
銳四百餘人崇永終以身脫走道朔乃進攻河上山中氏等城皆
以兵寡援絕縱火于城出奔七月中旬收兵而退顯能美範氏戰
功甚大奏請叙任從五位上尾張守加賜大邑十五年八月仁木
義長據長野城請降室篁公使土改善忠六角崇永來擊圍長野
城顯能使道朔及範氏領兵二千餘援之然交相持重莫有勝敗
二十四年九月範氏與阿曾入道入江式部丞從顯康與土改賴
康戰于刑部卿破之文中元年三月仁木義長圍朝倉下總守于

茂福城下總守告急于多藝使者絡繹顯能使道朔父子將兵二
千餘救之陳于岳坂山下視義長及南部賴勝軍據坂中小松林
之陰使射手射之義長兵自山麓登為之退挫道朔父子為魚鱗
之陳大奮下擊義長賴勝軍披靡潰亂墜于谷中人馬相踐自觸
鋒刀而死者五百餘人茂福城兵出擊其前存者無幾愈益敗走
柳城主沼木參河守下山見永七郎等出擊其橫於是其精銳仁
木伊賀守仁木丸馬助外山播磨守今峯孫三郎南郡賴勝南部
太郎等皆重傷度不可脫爭先交搏以死道朔大勝而還時人畏
前中興之
戰于雲出山大宮氏之孫世為大老明應中其孫曰刑部丞勝直
永祿中其孫曰兵部少輔入道含忍齋含忍齋老子兵部少輔嗣
十二年改早主來擊圍大河內兵部少輔入衛大河內而含忍齋

還五月十一日義長乘勢來攻多執尾張守出城力鬪破之殺傷
凶算義長乃退十年五月觀音主六角崇永入伊賀時尾張守祝
髮號道朔顯能使道朔及子範氏與阿交發一矢短兵乃接範氏
執大太刀長五尺三寸馳入衆中縱橫奮擊或斬其胄頂以至胸
或橫斬其腰際近江兵披靡逃凶範氏乘勢逐北擊之獲近江精
銳四百餘人崇永終以身脫走道朔乃進攻河上山中氏等城皆
以兵寡援絕縱火于城出奔七月中旬收兵而退顯能美範氏戰
功甚大奏請叙任從五位上尾張守加賜大邑十五年七月仁木
義長據長野城請降室篁公使土改善忠六角崇永來擊圍長野
城顯能使道朔及範氏領兵二千餘援之然交相持重莫有勝敗
二十四年九月範氏與阿曾入道入江式部正從顯康與土改賴
康戰于刑部卿破之文中元年三月仁木義長圍朝倉下繼守于

茂福城下總守告急于多執使者絡繹顯能使道朔父子將兵二
千餘救之陳于虫坂山下視義長及南部賴勝軍據坂中小松林
之陰使射手射之義長兵自山麓登為之退挫道朔父子為魚鱗
之陳大奮下擊義長賴勝軍披靡潰亂墜于谷中人馬相踐自觸
鋒刀而死者五百餘人茂福城兵出擊其前存者無幾愈益敗走
柳城主沼木參河守下山見永七郎等出擊其橫於是其精銳仁
木伊賀守仁木丸馬助外山播磨守今峯孫三郎南郡賴勝南部
太郎等皆重傷度不可脫爭先交搏以死道朔大勝而還時人畏
服如鬼神

室所公發兵來擊道朔與木造持康邀
戰于雲出山大宮氏之孫世為大光明應中其孫曰刑部丞勝直
永祿中其孫曰兵部少輔入道含忍齋含忍齋老子兵部少輔嗣
十二年改昇主來擊圍大河內兵部少輔入衛大河內而含忍齋

居守岐阜主命姬路主使使來諭降含忍齋不答岐阜主怒六月
二十七日夜岐阜兵來攻含忍齋使孫具重一作吉九兵衛尉及沢
田衆沢衆沢火炊助沼田伊豫守河合三郎兵衛橙尾橫山氏燒
城外淨眼寺以便驅馳姬路主督衆而進具重素有膂力以善射
顯于比鄰連矢累發衆不能進姬路主身先士卒大呼督戰矢中
姬路主九股姬路主尚猶奮鬪將危龍川勝雅以衆進使姬路主
退遂排外門以入四面京勢齊雅欲發鳥銃拒之先是岐阜主與
朱記于家老大宮源五右衛門大宮條助許以茶三千貫至此潛
或收阜以水澆火藥不可透用城兵大宮喜內等死者三百七十
三人含忍齋父子請授城而去含忍齋時年八十餘姬路主憐之
悉以其資賊放之于大和宇多兵部少輔亦戰死于大河內具重
稱大丞天正四年十二月四日劔死于多藝法謚曰淨夜大居士

其妻水谷松永之光女此日亦遇害法謚曰西蓮院妙傲大姊又
有九右衛門尉光成者天正十年六月十三日從明智光秀戰死
法謚曰光智居士又有多氣九吉守者與光成從明智光秀戰死
法謚曰靈覺院殿高山立林大居士又有武藏守伯耆守九郎兵
衛兵之丞彈正少弼少弼一作弼入道主水仁藏平小市郎小五郎大助大
兵衛若莫知其族屬
阿保大藏少輔姓大江氏伊賀名張城主興國元年顯信赴任陸
奧顯能以其從兵甚寡使大藏少輔領兵五百餘從之其後世曰
若狹守若狹守子曰直親稱大藏少輔永祿中具教擊秋山藤次
即攻神樂岡城直親與磯田彥右衛門尉先衆交戰將退藤次即
兵追躡彥右衛門尉与之交搏墜馬因拔刀築之將斬首藤次即
兵亦自下抗其刀擬彥右衛門尉首首斷者半乃奮脫而起彥右

右衛門尉將先初直親典考右衛門尉有同死之約遙望見之友
至斬藤次郎兵以巾裏劍扶騎馬而還為右衛門尉創已愈首遂
少頃十二年九月二十六日波草將丹羽長秀稻葉長通率兵五
百餘來襲龍華菴口直親典筮治兵庫助等拒戰斬波草精騎數
人遂却之二十九日池田信輝丹羽長秀稻葉長通自龍華菴口
入二丸大呼攻之城中投火炬京羽發銃直親典日置直房家城
主水佑長野左京亮等以兵六千餘閉門出擊獲波草侍大將十
三人及野呂氏滅為五箇笹山城主天正十年春具親以據其城
明年正月二日城陷關死法諡曰長樂院殿西林淨本大居士直
親長子曰左門櫃坂番頭又有宗七郎源九衛門武部少輔彈正
左衛門作少衛門一内内左一作馬允仁助次郎市若莫知其族屬
春日部高貞稱太郎判官興國元年與阿曾宗貫從擊伊賀大奮

力闘勝之伊賀悉平正平三年正月從入芳野救皇宮七年春顯
熊朝任吉行宮高貞留守伊賀十年夏觀音至六角崇永入伊賀
高貞起兵馳至擊之戰酣高貞中流矢而死於是左右親信皆力
闘以死殘兵逃還伊勢子高宗稱弥太郎判官代父為伊賀目代
三鬼伊賀守姓紀氏紀伊牟婁郡三鬼城主蓋熊野八莊司之族
云延元二年九月與阿保大藏少輔大宮尾張守將兵二千餘擊
高師秋于北郡三年顯能兄顯家經伊勢入大和顯能使伊賀守
率兵千餘從之桃井直常夜襲般若寺軍我軍大敗伊賀守以十
七騎留拒闘殺傷許多遂以戰沒子孫世襲稱伊賀守為船手番
頭又有兵庫頭三郎次者莫知其族屬
長野周防守姓工藤氏度會郡三瀨城主永享元年九月室町兵
來擊周防守從木造持康邀戰于雲出川既而室町兵益至我兵

邀之交戰皆決死不敢却一步然兵既寡疲亦極遂敗而退室町
兵乘勢追之周防守欲使衆退以百餘留發矢拒之矢既盡短兵
接多斬敵終皆戰死平安兵亦不復追其後世曰左京亮一作永
祿十二年九月十一日與改草將坂井政尚蜂屋賴隆等戰于魔
蟲谷勝之二十九日改草將池田信輝丹羽長秀稻葉長通潛自
龍華庵口入二九大呼攻之左京亮與日置直房阿保大藏少輔
家城主水佑等以兵六千餘開門出擊獲改草侍大将十三人天
正四年信雄將殺不智齋左京亮與滝川惟親輕大膳亮同受命
詣三瀨御所通謁不智齋出見左京亮忽起取不智齋親御槍築
之遂斬其首五年從具親起兵據其三瀨城森清十郎來誘諭之
左京亮即出降大坂主命置左京亮于長野信包邑遂仕信包居
山田野村築八幡山十二年冬適與岡村修理亮子源五郎相遇

于安濃津半田山共鬪軍為所殺既而源五郎亦入半田寺自盡
初左京亮舅藤方具俊與修理亮外祖岡田左馬助不善是以左
京亮亦與修理亮常不相善故至此云又有彦七郎彦八郎彦九
郎彦十郎長次郎次郎左衛門八郎左衛門因幡守十郎兵衛若
莫知其族屬

澤隼人正一作大和守多郡沃城主幕籠用并筒兵賦一千人與
秋山芳野氏并稱守多郡三人衆旧南延命以為我兵力故世
為前隊又與秋山鳥屋尾水谷氏共為家老故所以聽國政謂之
四管領應永中沃氏之孫曰恭廉稱伊豫守祝髮更名泮沢其妻
芳野山城守長女也亦祝髮更名如性大師生男小字龜王九長
名廉滿稱伊豫守子孫見于文書者自長亨元年至文龜三年曰
兵部大輔自永正元年至大永六年曰伊豫守其間有源四郎源

五郎者自享祿三年至天文十五年曰兵部大輔天文三年正月
兵部大輔與秋山氏擊山田人村山武則滅之天文二十一年曰次
郎自天文二十三年至永祿二年曰大菊鷹永祿九年十年曰兵
部大輔天正九年曰伊豫守及兵部大輔房滿永祿十二年岐阜
兵采攻澤氏之孫十郎右衛門若與藤方具俊共為小森上野城
守將六月木造具政叛不智齋使野呂源實擊之不利戰死於是
使十郎右衛門與秋山越中守將兵數千擊之不克而還天正五
年具親起兵沢氏之孫曰好勝祿源六郎始與具親謀既而叛從
倍雄倍雄赦其罪與秋山光匡攻桃股城後之諸城既平唯川股
波瀨二谷諸士未降日置直房擊之好勝與諸將往援之攻峯富
永森城拔之七年九月信雄擊伊賀好勝與秋山光匡芳野宮內
少輔天野雄光等自西方大和口入信雄禽下山甲斐守而退名

張兵欲要奪之沢但馬守與秋山光匡返關乃得退十年六月二
日總見公遇弑信雄起兵至近江土山適伊賀賊起信雄使好勝
等諸將擊之攻一宮城拔之諸城以次平十二年五月蒲生氏鄉
以功賜伊勢松島城好勝及秋山光匡芳野宮內少輔等准故國
司時故事命為氏鄉典力文祿四年九月二十一日豐國公賜好
勝菜二千石又有大炊助岡之助者莫知其族屬
秋山右京亮姓源氏大和守多郡松山城主幕号用楓兵賦一千
人典沢鳥屋尾水谷氏共為家老政所以聽國政正平十年春日
部高宗代父為伊賀目代右京亮與天華寺源藏人為之副建德
元年十二月右京亮從春日部高宗擊近江亨祿天文之間有新
今國堅及親雄者永祿中秋山氏之孫曰入道宗丹宗丹之子曰
藤次郎娶三好氏勢威頗盛亦強勇絕人數叛多藝具敬矣兵擊

之攻神樂岡城既而請成以父宗丹為質具教置諸大内山無何
病死藤次郎後更稱遠江守亦無何死第次郎光匡嗣更稱右近
將監將大監娶滝川一益女十二年八月秋山越中守與沢十郎
右衛門將兵數千擊木造木造臣海津喜藏善鳥銃累發鳥銃中
傷死者頗多家眾坂基次郎死天正五年具親起兵光匡與沢好
勝攻桃股城拔之遂與諸將進攻峯富永森城拔之七年九月信
雄擊伊賀光匡與諸將自大和口入倍碓禽下山甲斐守而退名
張兵追逐光匡與沢但馬守返鬪乃得退光匡家眾上津郷新坊
甲斐守女壻也信雄命光匡斬之十年六月與諸將擊伊賀攻一
宮城拔之十二年為蒲生氏御與力又有藤七郎官右衛門内藏
允万助者莫知其族屬

芳野氏之孫曰山城守山城守長女嫁沢泰庵後祝髮更名如性
大姊号澁沢寺新坊而嗣子東某好奕放縱無度山城守勸當其
惡屏之以絶父子之親而以長女故讓某邑于沢氏女如性如性
遂以與子廉滿乃山城守外孫也而東某子居多田宝生寺深惠
長光為請為芳野氏之後復其某邑於是捐其中七十石永為澁
沢寺新坊寺田及山城守季久之世沢氏有寵乃取曩所捐之寺
田以與沢氏天文中有春竹丸者永祿十二年改阜兵來擊芳野
氏野氏之孫太郎左工門為曾原城助兵天正五年芳野氏之孫
宮内少輔與諸將攻峯富永森城拔之七年九月信雄擊伊賀宮
内少輔與諸將自大和口入十年六月與諸將擊伊賀攻一宮城
拔之十二年為蒲生氏與力又有彦六郎小太郎中从源左工門
勸兵衛者莫知其族屬

鳥屋尾滿榮祿元京亮晴具時人姓藤原氏播紳鷲尾氏之裔也
富永城主家老政所其後世曰主稅應永二十一年室町兵來擊
滿恭使主稅典連見朽木氏出拒于雲出川其後世曰石見守石
見守長子曰兵部少輔初稱典元衛門尉次子右近將監初稱小
平太永祿十一年改阜來攻石見守父子三人入大河內城命為
軍奉行以拒守石見守豫度軍糧不給令軍中皆食草木國司身
典士卒同食是以受圍五旬軍糧無乏元龜四年石見守使甲斐
潛謀改阜天正四年正月使石見守及右近將監往改阜賀新正
改阜王久留使者不見右近將監怒曰信長非我主也無禮甚矣
與石見守俱出王命召返之列聘物于庭止身立于殿前面發怒
色揮薙刀以示之於是石見守始知改阜主欲滅北畠氏之意是
歲具親起兵右近將監從守森城信雄使日置直房等來攻城陷

戰沒又有內藏助義信者天正十一年正月二日從具親戰死于
笹山法謚曰見樂院通山道三居士又有兵衛者莫知其族屬
水谷刑部少輔姓藤原氏飯高郡立野城主家老政所刑部少輔
子曰藤次郎又有六內淺右衛門者莫知其族屬
芝山秀定初稱長九郎後更稱出羽守姓藤原氏勸修寺贈太政
大臣正一位高藤之裔也為家老政所天正四年十一月二十五
日墓具教首于川股野野口遂嗣死于其地法謚曰安通院殿光
山龍水大居士子小次郎此日鬪死于大久保松井栗谷定秀妻
片田前聞之投藤方溺而死法謚曰水蓮院妙入大姊又有小平
次者莫知其族屬

豐田五郎右衛門姓源氏飯高郡鎌田人鐵炮頭或曰惑書奉行
天文中鷲山之役與家城主水佑垂水親迦房等共一日之間交

槍者七特有殊功並為時人所稱弘治元年十二月與多氣齋宮人野呂三郎兵衛等自恃勇悍聚南郡所在惡少數百人以作亂欲壞積逋時人謂之德政亂據齋宮城吹螺發喊縱火所在攻剽晴具發兵擊之五郎右衛門據平生知積寺知積寺大河內兵力也職其不在而劫捕其居守安房者以拒守為諸將逐擊平之本田美作守家衆中西清右衛門斬五郎右衛門

大館氏清稱伊賀守左馬助氏明第二子也初氏明元弘中潛居伊勢有婿紳家女避亂來居伊勢氏明因娶之以生氏清或曰源敦光女也或曰顯能妹也居山何氏明戰沒氏清與母匿于平安中興國五年年七歲還居伊勢正平十年年十九入吉野給事十六年年二十五復還伊勢為顯能與力顯能以為伊賀岡岡城主初有兵五百許人後有千許人自文中三年春設岡于伊賀以譏

往來之人顯能賞其功更命其氏曰岡岡氏天授四年娶顯能女國人尊之稱岡岡屋形近江甲賀郡及伊賀國人皆服從結城左馬助其先曰宗廣薙髮号道忠忠父曰祐廣称弥七左衛門居陸奥白河称白川結城以別宗族居下總若宗廣為上野及北條高時執僧圓觀以附宗廣置諸其邑尋從東軍來攻笠置奉親王義良還定陸奥郡縣安輯復從顯家入援坂本攻三井寺屢戰于京師事平東還延元元年二月十六日宗廣遣家衆中村六郎等屯宇多莊能野堂與相馬光胤戰為所敗二年再從顯家攻鎌倉抵寧樂顯家諸將士議軍所向宗廣曰我軍累捷已間入京之路而猶憚賊不得過黑地橋以此詣吉野人將謂我懦也當直襲京師一掃兇徒不濟則暴屍王城耳顯家然之未幾高師直

未攻顯家戰沒宗廣奔吉野方是時新田義貞死北國顯信棄八幡朝廷震驚不知所為宗廣奏顯家三年之間再大舉入援是以陸奧出羽之人莫不知嚮義而未有一人之圖後也今願及民心未移遣一皇子建号祭令懲逆獎順昭定之功何患不濟按地圖陸奧五十四郡殆當天下之半可得兵四五十萬也臣願華首戴胄率勵士卒祇奉皇子以攻平安不出一年會稽之耻可雪矣朝議可之勅兵親王義良以赴陸奧然道路梗塞未易直到乃自伊勢乘船祭大湊至天龍灘適颶風起船艦四散宗廣船漂蕩七日抵安濃津候風十餘日適罹病日益劇時宗廣弟三子為僧劍光明寺千度會郡以住焉号波月禪師是以就養病波月曰君之病革矣唯願唱仏名僅有所遺囑敬奉之不敢有失也宗廣目將瞑聞之旋起而笑曰我生七十百事完足莫復遺念但不得滅賊而

就死地下多生曠劫是之為恨汝其以我言傳親朝曰勿以供仏施僧為勿以称名讀經為速斬賊首懸之墓前言訖拔刀逆持切齒而平時十月二十一日也世傳道忠平書軍中日記正平元年九月右馬助典大宮尾張守小嶽周防守擊紀伊熊野勝之其後世曰尤近將監尤近將監長子曰條助尤近將監弟曰源五右衛門尉天正九年信雄擊伊賀見河合有文杉樹甚愛之源五右衛門尉誤斫之信雄怒放逐之又有半藏者莫知其族属小林丹後守姓平氏三浦氏之後也三重郡櫻村城主其後世曰圖書頭為劍峯城加番又有助三郎權之助彦四郎者莫知其族属

天田藏人入道山田城主其後世曰市郎左衛門麾下永祿十一年為岐阜所滅又有監物者天正十八年戰歿于小田原

志村元衛門尉曾井城主又有忠石衛門者後更稱曾井入道文
治中其先受茶于鎌倉

石河右馬大輔水沢城主子孫世襲稱右馬大輔永祿十一年為
岐阜所擊敗死

川島宮内少輔北山田城主

有馬至馬助川尻城主子孫世襲稱主馬助永祿十一年及隆安
草

松山丸郎又有宮内清行者天正四年十二月四日鬪死于多藝
法益曰門元居士又有彦左衛門善次郎者莫知其族屬

中野小次郎
入江式部丞

朝倉下總守其後世曰備前守朝明郡保保西村城主永祿十一

年十月十二日為岐阜所擊敗死墓在市場保福山大樹寺法益

曰大樹寺殿前備州駿翁大居士

朝倉盈盛稱下野守茂福村人平維茂之裔與富田氏同滅

見永七郎下山人其後世曰季宗稱藤七郎永祿十一年為岐阜

所滅

檜尾左馬助永正中人又有美濃入道新三郎者

辰巳實親

并足實榮並身祿天文間之人

和積寺三郎左衛門尉天文中人

竟善彌太郎

池和泉守大永中人

山尾季長稱四郎左衛門尉

西田久延稱四郎左衛門尉

萩野久光稱藤次

赤植滿近稱修理進

向泰國

西滿吉三人並身祿中人

檜牧廉智稱伊豆守又有典兵衛尉者永祿中人又有典五郎者

平田源兵衛尉永正中人又有勘右衛門尉者

宇野波永正中人

式部丞國兼大永中人

宮内少輔方兼永正中人

宮内大輔教兼天文中人

多藝錄卷之六

Very faint, illegible text, likely bleed-through from the reverse side of the page. The text is arranged in vertical columns, typical of traditional East Asian writing.

